

դ) Քննել և լուծումն առլ այն խնդիրներին, որ առաջարկում են գըլ-
խաւոր և տեղական վարչութիւնները .

ե) Ընտրել գլխաւոր վարչութիւն .

զ) Հաստատել անշարժ կայքեր գնելու կամ վաճառելու որոշումները .

է) Վաւերացնել գլխաւոր վարչութեան և Ընկերութեան բոլոր հիմ-
նարկութիւնների ծախսերի նախահաշիւը :

16) Պատերազմի վայրում գլխաւոր վարչութիւնը ունի .

ա) Ամէն մէկ գործող բանակում գլխաւոր լիազօր, և

բ) Շրջանային լիազօրներ, համապատասխան ռազմաճակատի զինու-
որաշջանների թիւին :

Լիազօրները ընտրուած են գլխաւոր վարչութիւնից : Ոչ ռազմաճակա-
տում գլխաւոր վարչութեան ծրագիրները իրականացուած են կամ տեղական
հիմնարկութիւնների, կամ գլխաւոր վարչութեան ընտրած լիազօրների
միջոցով :

17) Գլխաւոր լիազօրների տրամադրութեան տակ են դրուած գլխաւոր
վարչութեան կողմից ուղարկուած սանիտարական խմբերը, գումարները և
նիւթերը : Ոչ միայն Կարմիր Պաշտ խմբերը, այլ նաև միւս բոլոր սանիտա-
րական խմբերը, ում կողմից էլ որ կազմուած լինեն նրանք, հայերից թէ
օտարազգիներից, առանց բացառութեան ենթարկուած են գլխաւոր լիազօրին :

(Հաստատուած է 1920թ. մարտ 19-ին)

1920թ. բամբակի բերքը մեկաշնորհից ազատելու մասին . — Բամբակի
մենաշնորհի 1918թ. սեպտեմբերի 11-ի և դեկտեմբերի 3-ի ու 1919թ. նոյեմ-
բերի 25-ի օրէնքների ոյժը չի տարածուած 1920թ. բամբակի բերքի վրա :

(Հաստատուած է 1920թ. մարտ 22-ին)

Կանոնադրութիւն Հայաստանի Պետական Հանրային Գրադարանի . —

1) Հայաստանի Պետական Հանրային Գրադարանը հիմնուած է պետութեան
մէջ գիտական գործունէութեան զարգացման և յատկապէս Հայաստանի և
Առաջաւոր Ասիայի հին ու նոր ժողովուրդների բազմակողմանի ուսումնասի-
րութեանը նպաստելու համար :

2) Գրադարանը պահպանուած է պետութեան միջոցներով և մասնաւոր
նւիրարերութիւններով : Բացի այն հրատարակութիւններից, որոնք ձեռք են
բերուած դրամով և հասնում են իբրև նւէր, Պետական գրադարանն ստանում
է երեք-երեք օրինակ այն բոլոր հրատարակութիւններից, որոնք լոյս են
տեսնում Հայաստան աշխարհում :

Մանօքուքիւն . — Այս հրատարակութիւնները գրադարանին հաս-
ցնելու պարտականութիւնն ընկնում է տպարանների վրա :

3) Պետական Հանրային գրադարանը դանում է Հայաստանի Հանրա-
յին Կրթութեան և Արեւստի նախարարութեան իրաւասութեան տակ :

4) Գրադարանի գործունէութիւնը զեկավարում է գրադարանի խոր-
հուրդը, որի կազմի մէջ մտնում են մի-մի ներկայացուցիչ պետական հա-
մախարանի իւրաքանչիւր Փակուլտէտից, Պետական Ազգադրական-մարդա-
բանական թանգարանի ներկայացուցիչը, գրադարանապետը և նրա աւագ
օգնականը :

Մանօքուքիւն . — Մինչև համալսարանի և թանգարանի հիմնումը,
բացի գրադարանապետից և նրա աւագ օգնականից, գրադարանի խոր-
հուրդին մասնակցում են Հանրային Կրթութեան նախարարութեան
կողմից նշանակուած մինչև հինգ անձ :